

陵川縣志

康增銀題

陵

川

江苏工业学院图书馆

藏书章

縣

志

陵川縣志序

人類所以超出乎一切其他物類以上者以其具有悠久回憶性保存性而愛古垂後之念特爲豐厚故也是以在家則有家譜在縣則有縣志在省則有通志在國則有統志由小及大自近及遠皆於國家歷史有密切關係章學誠謂縣志即一縣之史誠然按之往古周禮職方氏辨九州之國使同貫利察諸近代世界各國調查內政纖悉無遺補弊救偏亦烏能舍方志而得要領乎則縣志一書誠長民者與愛國志士所當手置一編據以爲興利除弊之左券也余於二十年冬奉命宰陵以是邦地隣豫省二十餘年以來地方頗受土匪之害因披閱縣志欲周知要隘之所在而

與地方士紳籌一邊防之善法始知縣志自明弘治中至光緒八
年凡八修計自八修以來至今已五十餘年時異勢殊且自國體
改革後一切典章法制無不日異月新一日千里而所謂清代故
事遺蹟率以耆舊漸稀傳聞日少再遲數年將有湮沒不可考者
矣續修縣志誠屬不容再緩之事也國難方殷財政奇絀公私忙
迫遂竟擱置至去歲十月間各機關人員又有提議此事者於是
公同議決續修推定文獻委員會楊君吉甫主任纂修竝由文獻
委員會延請地方宿儒馮君子厚等十餘人協助一切以期克蕙
厥事庶幾五十年來之經過事蹟不致多所遺漏而後之君子可
資考證也民國二十二年三月陵川縣縣長大同庫增銀序

陵川縣志序

余自民國十八年秋由張垣返里以時局不靖地方多故棲遲故里三載有餘二十一年十月縣長庫益庵及學界諸人以吾陵縣志自清光緒八年續修後迄今已五十餘年深恐故老凋零文獻無徵謬推余擔任續修縣志事竝由文獻委員會延聘馮君子厚等十餘人協助一切余學殖荒落精力亦衰辭而未獲繼思余百無一成之殘生能爲桑梓少作公益事項亦屬幸事遂一鼓愚勇冒然任之函託老友沁水賈讓叔弟兄從老友郭允叔兄處借來新絳臨晉兩志藉資取法又由賈宣之兄函示修志要義竝爲訂正門目大體尙幸不差此五十年中爲我國政治風俗江河日下

時期且爲鴉片金丹毒物瀰漫最盛時期亦爲東西列強科學孟
晉一日千里時期察已觀人誠我國四千餘年歷史上極堪悲痛
之時間也此次修志爲第九屆異日十屆修志時吾陵政治民生
不知作如何狀況想爾時修志者於握管時撫今追昔必有一種
不勝感慨低徊者矣余性本惰疏任此續修謬誤遺漏定應不少
刪削較多乃因時代之變遷潮流所趨勢其有關於將來歷史證
印者雖細必存否則概從刪削科舉時代崇尚文藝科學時代貴
在質實不敢假空論以掩譎陋亦不敢託簡潔以失詳明才疏時
促力小任重惟祈識者諒之則幸甚矣民國二十二年三月邑人

楊謙序

民國二十二年陵川第九次修志姓氏

主修

署理陵川縣縣長兼山西清鄉督辦公署軍法官

庫增銀

益庵
大同

纂修

前察哈爾財政廳稅捐稽核處主任

楊謙

謙

本邑
人

協修兼編輯採訪

縣立第二高小學校教員

馮純如

本邑
人

前國民會議代表議員縣立第一高小教員

楊勉

本邑
人

前河東道視察員

王玉璋

本邑
人

縣立第三高小校長

田樹德

本邑
人

清諮議局議員前和順縣宣講員

楊毅 人本邑

現任街公所街長

王紀春 人本邑

前縣立第一第三高級小學校校長

韓殿修 人本邑

前濩澤中學校校長

和秉慧 人本邑

清廩膳生

徐杰 人本邑

前民元本縣民治科科員

靳志超 人本邑

本縣第二科雇員長

申錫章 人本邑

前縣議會議員

李名郁 人本邑

督校

陸軍第二百零九旅旅長

段樹華 人本邑

山西高等法院推事

王澤深

人本邑

綏靖公署參謀處處長

楊厚

人本邑

山西民政廳科員

曹尊賢

人本邑

校對兼事務員

財政局局長

郝宏禮

人本邑

前高平陽城區長現商務會主席

都之耀

人本邑

現教育局縣督學

楊振聲

人本邑

校對

現教育局縣督學

段清海

人本邑

現任縣立第一高小學校校長

杜汝珍

人本邑

現任第二高小學校校長

現任二年制師範主任

現任女子兩級學校校長

現任財政局副局長

現任第四師範教員

現任實驗小學校長

前崞縣中學校教員

山西省政府禁烟委員

黎城隊稽查隊隊長

陸軍第二百零九旅中尉副官

常景晟
人本邑

郎兆瑞
人本邑

王學斌
人本邑

韓呈森
人本邑

秦殿英
人本邑

李超榮
人本邑

李越榮
人本邑

王鴻勳
人本邑

韓維屏
人本邑

趙寶善
人本邑

陸軍第四百團第一營第一連連長

西北實業公司採鑛委員

商專畢業

法政專門學校畢業

縣農會會長

本縣第二巡緝隊長存記公安局長

前縣立第三高小學校校長

教育學院畢業

三晉高級中學畢業

甘肅省政府科員

都來寶

人本邑

王鴻鈞

人本邑

馮江成

人本邑

李兆榮

人本邑

郝治讓

人本邑

楊志玉

人本邑

李汝海

人本邑

段炳文

人本邑

薛維祺

人本邑

張旗

人本邑

現自新工廠管理

城關初級小學校長

前縣農會會長

前財政局局長現縣銀號副經理

現圖書館主任

陸軍第二百零九旅書記長

現教育局書記

薦任職甄別合格縣長現第二百零九旅軍需

曹迺潤

人本邑

武寶賢

人本邑

張耀奎

人本邑

趙長清

人本邑

楊增

人本邑

武鴻復

人本邑

焦天桂

人本邑

焦天相

人本邑

陵川縣志

歷代纂修姓氏

明宏治十一年戊午邑人都永思

嘉靖三十一年壬子邑令趙孟乾

萬歷三十九年辛亥邑令許自嚴

清順治十五年戊戌邑令黃國燦

康熙十三年甲寅邑令孫必振

乾隆五年庚申邑令雷正

乾隆四十三年戊戌邑令程德炯

光緒八年壬午邑令李楨

邑令柳增慧

主講梁寅

邑紳武培德

邑紳都賦三

陵川縣志目錄

卷一

舊志序

疆域山川略

關隘

縣境圖

縣城關圖

卷二

賦役略

縣地方款

鹽務

里甲

戶口

倉儲略

常平倉

社義倉

卷三

兵防略

電信

民俗略

生業略

卷四

物產略

官師表

省縣議員地方機關人員表

卷五

選舉表

卷六

學校表

書院縣立學校校長表

卷七

沿革考

營建考

城池

衙署

郵政

壇廟

寺觀

坊表

卷八

古蹟考

宦蹟錄

卷九上下

士女錄

卷十

著述錄

舊聞記

雜錄

陵川縣志卷一

舊志序

初修志序

洪治十一年戊午

新鄉都永思 邑人

粵自天地既判山川奠形由是風景呈制人物神發而沿革因之以錯行矣夫天地道之經也山川理之緯也風景氣之彌也人物靈之驗也而沿革則時之變也道以經之理以緯之氣以彌之靈以驗之時以叅之而志無不萃焉夫志也者其來尙矣君子曰經則緯緯則彌彌則驗驗則叅聖人之教備焉聖人之教人志也非直爲詳覽一邑之形勝而已將使善無不揚惡無不擯有今之視昔後之視今之意焉故曰聖人之教備焉維國有史維郡邑有志

志之所係其大矣乎予與六泉王子河濱婁子嘗覽舊志則見夫殘腐而陋冗劇而紊苟簡而嗇何以志爲於是考古蒐逃徵圖穿典旁摭遺逸兼詢父老久之今昔沿革名地故實似若少備迺取舊志剗其繁蕪括其要領舉類分章隨裁辨體表規制以明則備辭蹟以存古要簡確以稽實詳論列以盡義闕生存以俟定他如李義之孝趙振之義舊志亦且弗載今皆表而出之又如人物之紀亦略而弗詳後將焉考今各爲傳以核其實夫仍舊弗妄也第序弗舛也芟腐弗濫也增新弗遺也弗妄則道以尊弗舛則理以莊弗濫則氣以昌弗遺則靈以昭而時之變者以順夫然後可以言志矣司政者倘垂省焉或亦足以考俗準治而不蔽於所施矣

至若章猷以經物昌文以詔來則尙俟夫能者思也豈敢哉

二修志序

嘉靖三十一年壬子

邑令趙孟乾

禮縣人

戊申夏初僕承乏陵川首詢縣志弗得僕曰志之爲義一邑之地理建置祠祀田賦官師人物事業文章皆於志乎是紀矧激勸人心敦崇風化治理之難易未嘗不與相須此志當修而不可緩者方圖成帙而未能適當道下檄索之果無以應乃謀諸同寅及鄉士大夫學教官生員從加訪集於其缺者補之略者詳之淺俗者潤色之浮誕不經者刪夷之其山川景象古邃幽雅之地咸親履而圖畫之書完欲梓僕心頗未安特命生員徐子壽王子權就高平黃門往川趙翁斤正之翁又於其日繁者附之以從簡近誇者

黜之以就實至於關化理益風教而增飭其所未至者翁之力尤居多編成不以僕不敏命序僕亦不敢以不敏固辭嗚呼是典也積小成大考古證今不徒欲知一郡一邑事也集全晉之志而達之天下萃天下之大而會之一人之心者當道忠愛國家化溥天下之盛心也夫豈但廣一己之識見而已哉若夫今日考索編摩之詳筆削校正之當又諸君子贊成之力也僕何預焉

三修志序

萬歷三十九年辛亥

邑令許自嚴

井陘人

不佞家食時每聞四方長吏咄咄嗟民之難治也已而視其民果犇馬駭鹿之不可羈縲乎而非也夫爭欲處先而未知持後無徒冤此黔首爲矣余以戊申承乏茲邑值饑穰不時拮据良苦越歲

余既日夜思竭其不肖之材力而吏民亦若安余之拙也害馬去
猛虎馴種樹日孳新屋漸美不佞得藉手以無詒官常羞幸已厚
矣又寧敢求多耶雖然建國君民存所與立之綱之紀不佞所當
時時總萃而提衡者邑志非耶屬當報政之期即會有下問不佞
何以置對公餘亟取前志讀之廢卷而嘆曰惜也歷週甲子矣而
一邑之紀錄蕪沒不稱蒞茲土者汎汎然若北溟之一萍懵懵然
若夜半投逆旅未曉辭去問其主人何不知也其所在物色何不
知也余甚愧焉蓋聞之志以記爲義媿惡不嫌並存利弊自可互
訂寧披文以相質無虛張而失實不佞椎魯無似雅不欲扞此義
亦惟是條依例附以無敢隕越先民省方辨政章往俟來之初意

則已矣若曰孰是潤色之銓定之使泣氏之乘垂之不朽者則許子之爲也不佞何敢置喙焉然不能無慨於此有司之於一邑誰非絲聯而桴合者得則俱得失則俱得失之原旣有所歸則官師一志似尤當兢兢今之志官師也率繡織語不則模糊語不則謾無軒輊之語矣此不過曰以明厚或以避嫌也夫志一邑之實錄獨於官師則若沉若浮民咸屬耳目焉其何以風所稱難治或出於此乎余謂一官之去率不過五稔邑志之修當以此爲期何也官之始去也其撫拾最眞而官之旣去也其評隲又易公是日也進師生父老鄉大夫於庭品旣定即大書之曰夫夫也美政幾稗政幾始惠而終厲幾大瑜而小瑕幾夫然後於志法得備書者

鱗次附焉曰某從某風勵之闔懾之也曰某從某委頓之凋瘵之也使後人觀之法戒凜然具在使當人聞之賢者可自庶幾於無過不面頰口噤而舌不下者則非夫矣如是則有司之改絃可強半或不率委於民之難治其有療乎斯區區責備官師意也然未敢徑行其意後有同調者請自不佞始可矣事旣竣謹識月旦以俟觀風者採焉

四修志序

順治十五年戊戌

邑令黃國燦

鄆城人

鄉邑州郡之有志所以佐國史也而其制昉於禹貢職方間嘗讀二家之言見其紀九州也奠山川分土田慎貢賦斯王政之鉅者載之宜其詳若夫生齒之數穀畜鳥獸蕃息之宜雖細必書後杜

氏之興王霸之治猥瑣不憚煩俾後世有所據而考證雖其鞅掌
愴怳而無所亂經世阜民之道若是已故其籍必詳於史志蓋邑
志者一方之史也縣令者百里之命也以之佐皇王而殿邦輯俗
無一物非王產也無一人非王民也無一事非王務也而政於是
乎繫倘舉大而略小逞華而遺實與歲更月異劑盈量縮罔知規
前而利後烏乎可知此則可以喻志已陵川居太行之巔齒煩產
薄民實病焉乙未冬余初受上憲命爲令蚤夜孜孜稽其利弊以
圖酌之爰諮掌故遂得邑志乃前令趙公詮次而許公爲之重修
迄於今戶口之盈虛絲役之輕重風土之盛衰人才之難易不無
五十年一小變矣沿襲故牘罕所振刷其何以備目前之經制乎

戊戌仲夏余開館延諸文學乃語之曰我朝鼎新政有因革茲欲更新其志誠難之也夫志不難於剿說而難於因時諸君子能因時以著文因文以昭實使守土者因實以釐事因事以畫政斯其難也僉曰誠難之也敢不各出其虛公殫其見聞正舛譌核名實兼考歷代國史碑銘與夫稗官小說咸摭其可徵者而又質之人情裁之天理以秩王章以嚴治紀以明物則以正人倫四閱月事訖閱斯志也經野分星正疆定制以至宰物宣化興學勸士及之旌廉汰墨擯枉昭良罔不鑿鑿可稽而鹽政時令諸書又皆足以達民隱正風俗翼贊經綸可襄太平之治謂止於記載陳編已耶余聞之嫗煦歆哺者一時之澤也陳彝表極者百世之功也但得

後之秩官常稔此志惠利無疆此上治也斯非禹貢職方之所用情而杜氏王霸所由茂其績歟是以知協贊之力焉故併錄之

五修志序

康熙十三年甲寅

邑令

孫必振

諸城人

周官小史掌邦國之志外史掌四方之志以察民俗以稽吏治郡邑視古侯國而無史官邑之有志意昉諸此膺民社之責者以時考事次其闕失式備一方之史亦猶行古之道也行古之道莫春秋若嚴美刺昭勸懲筆則筆削則削游夏不能贊一詞固千古史學之宗也而邑必有志典章存焉教化寓焉治忽辨焉以備考風徵獻之典詎不通於其文則史之遺乎然余竊有疑於今之邑志也疆里建置賦役物產風俗古蹟各有志不過稽其沿革仍其掌

故以備考而已若無所爲可否也至於人物者治忽之所從出教化之所自起而典章之所自垂也前人之善後之表也前人之愆則後之鑒也今何以曳綬飛舄者多志之曰某某爲循良而墨者不聞焉寒氈司鐸者多志之曰某某眞帥範而庸者不聞焉科甲明經旁贅其政事宦遊之譽布衣儒雅傳會以忠孝節義之名不幾於美而無刺泛而寡當與將何以觀而感感而勸且懲也昔楚史記名檣杙專主乎記惡懲戒之義今之志獨不聞焉豈今人盡賢於古耶抑志不足信如孟子所謂盡信書不如無書耶余深用慨然修學之後將謀修志適奉檄徵邑志爲輯通志故也夫美而無刺或竊附善善長惡惡短之意與條次舛陋字畫魯魚舊者泛

而寡當新者闕失未次何以備一邑之觀而辱大方之目哉將亟爲改觀羞囊不能佐梨棗費詢於耆宿略爲點較以備一邑之志則可若欲取一邑之志一一愜予之志自附於行古之道則予未肯自信也雖然比字節句存乎志者也神而明之存乎讀志者也披星野之圖則思郎官上應列宿何以無忝厥職弗獲罪於上帝也觀疆域山川則思何以設險何以制勝也俯城池之彈丸何以固吾圉坐公署而退思何以補吾過也思學校之廢則鼓之舞之以敷聖人之化承祠祀之典則敬而不瀆以祝百姓之庥也稽貢賦拜戶口則思何以省而不煩庶而不耗而且一切之利何以興弊何以革蠹何以剔也考人物之顯晦觀風俗之貞淫何以是非

不致混同淑慝且能各別也擷往哲之遺文對韓陵之片石將何以登高作賦遇物興銘不使簿書溷人山水笑客也以時考事變而能通用其經權一裁之以道義則邑之有志詎非膺民社者經濟之書哉讀志而窺其要領識其大體以存典章以寓教化以辨治忽自附於行古之道予雖未敢自信乎亦聊以志吾志也康熙十三年艾月之望書

六修志序

乾隆五年庚申

邑令雷

正

沔陽人

康對山海武功志約二萬言而意已足記云辭尙體要無徒煩言陵川萬歷年許志猶存半冊中尙簡約而宏治都志且云遺趙鎮之義李義之孝而不書則從前荒略可知武功志略其所當簡陵

川志略其所當志是簡又非其宜說者又謂志有史法夫志安得有史法紀星野方輿不似史詳營建貢賦不得史論官師人物不能史列選舉藝文又未可史何者而可用史法無已縮句約字爲之而又慮其不昭晰而況一邑也凡懸象之著明輿地之廣袤民物之繁夥事理之雜糅又必窮極古今察極細大安在其能簡要若武功之簡其所當簡正不必以縮句約字之爲近乎簡而已前志自明季許志後一修於順治戊戌再修於康熙甲戌到今已六十二年其間因革損益遷流興廢之跡揆之天運三十年一小變之說已過之而烏可不及時纂修以承先而示後歟正於乾隆三年奉命來宰是邑披閱舊志知前賢原有未慊心之語而按部就

班中殊多未盡之處兼之六十載頗有不可不增修者因是用檢郡乘載考陳編與邑之老宿合謀而重修之正汙之下士也雖一行作吏淵源世業其青氈古物尙印初心乃不揣妄庸特提而論之匪敢曰創前人之所無亦未始不開後人之所有固規舊跡實闢新塗俾後之踵是而循行者不無有徑術之可托焉

七修志序

乾隆四十三年戊戌

邑令程德炯

余蒞茲土既八載邑紳以修志爲請不禁慨然曰方今聖天子揆文奮武搜金石羅圖籍館分四庫一夜宸披睿鑒昭回時訂紕繆而天威遐播中外一家雖菁蒙奧區稠卡險境亦命國工簪筆馳駟而繪諸夔笱之外猗歟休哉千載一時矣吾陵隸皇宇之一區

迺其志之曠而未修者且四十年又雷公重輯方開館而瓜期已迫急於成書事多缺略夫曠而不補略而不完甚非所以仰體宸衷潤色宏猷也矧陵邑形勢全晉之咽喉澤郡之腦味東礪西礮諸境牛壁天柱諸險或崖號含珠口名風豁又不如西溪春色仙臺勝槩徒供韻士之吟眺而已顧治茲土者琴堂優游終未嘗身試隩窅目而治之則其形勢或不傳即耳食浮談而遠近舛誣今古疑似得猶之乎不傳余下車即留心疆索踰歲奉憲檄前查隘口遍歷阨塞聚米劃沙胸括成竹譜而圖之今後之覽者得以鏡焉且四十年來戶口日增也營建易置也政事有張弛也人物事蹟學校文章如良苗懷新月異而歲不同苟聽其疎略前人已遠

傳聞失實無徵不信其何以垂後因廣搜博采朝披夕訂曠者補之略者完之訛者正之疑者辨之公論則出之士民山川則得諸閱歷庶乎信今傳後將來上邀輜軒之採內修彤管之書者或於是乎在時則中翰河東徐君孝廉豫章項君廣文榆次施君商確討論俱與有參攷之助焉是爲序

八修志序

光緒八年壬午

邑令李楨

黔南人

今之郡邑古之侯國也郡邑之有志猶侯國之有史也史備興亡盛衰之蹟即隱寓激揚勸懲之意凡政事之修明風俗之醇厚世運之蒸蒸日上胥賴乎此固不徒考星躔別分野紀山川道途之遠近誇都邑人物之富繁而已史固有之志亦宜然顧莫爲之

前美弗彰莫爲之後盛弗傳天下事大都如是陵之有志由來舊矣初修於明弘治戊午至乾隆戊戌已七次由乾隆至今又近百年矣雖河山如故井里如故而運會之變遷時事之轉移以及人情風俗之趨勢固有今異於昔者亦或有昔不如今者是誠不可以弗續也今上御極六年庚辰春二月余奉札來署斯邑下車伊始周歷城垣觀岡巒之起伏樂山水之蒼萃覺斗大山城宛入天際突如奧如而不可與尋常小邑等視者無怪乎前此科甲之鼎盛而名臣名儒之輩出也惟代遠年深典章殘缺爲之慨然者久之因思方隅雖小而宰斯土者類皆有補偏救弊之責况奉上憲明示纂修志乘用備採擇則陵邑舊志誠不可不自我而續之也

雖然以余謫陋兼勞簿書何能當斯重任幸邑人尙多通碩如孝廉京堂都君舜民王君副貢樹滋武君固皆稱博雅能文即如曹子子升曹子雲程楊子駿生類皆一時名下士咸能共襄斯舉而總其事者則尤賴主講望洛書院梁君虎春官紳合力師友一心不數月而糾誤補遺條分縷析蔚然可觀乃命鈔錄成帙獻諸當道頗蒙許可辛巳十月乃謀付諸棗梨以垂久遠自冬徂春行將告成而余適奉命回長以未及厥事爲悵幸諸君皆志於觀成而又得新尹柳君任事堅決督率匠工尅期竣事事將竣問序於余余不文又義不容辭遂援筆而紀其始末云

疆域山川略

陔川縣志卷一
陵川居太行絕頂深山大壑在澤屬爲最多羊腸峻坂所在多有村落道里期在詳明水性就下故巨浸不在域內而蒲水浙水祇屬細流孤高則多烈風地瘠民貧有由然也志疆域山川略

疆域

橫互約一百七十里延袤約一百一十里在府治東北至舊澤州府一百二十里

東至雲谷圖五至里楊子掌十里至脚兒頭二十里至侯庄村二十五里至大佛掌村三十里至馬圈村四十里至上河村五十里至崇興鎮六十里至嶺東村八十里至圪老水一百里至早

生村接河南輝縣界一百二十里到輝縣治二百里

南至張家庄十里至潞城二十里至老槐樹嶺二十五里至和尚
畝五十里至鳳凰窩六十里至奪火鎮七十里至河南修武縣
望仙樓山九十里到修武縣治一百五十里

西至井坡村三里至庄裏五里至牛家川十五里至冶畝底二十
五里至蔡家坪三十里至申庄三十二里至禮義鎮三十五里
接高平縣界韓村四十里到高平縣治九十里

北至瑤掌村三里至楊寨村十里至侍郎崗十三里至北路河十
五里接壺關縣界馬鞍山二十里到壺關縣治九十里

東南至岳家庄五里至石門村十五里至上郊村二十里至八瀆

嶺四十里至四義村四十五里至橫水村五十里至礮底七十
五里至大礮村九十里至孤石上一百里至灣子村一百一十
里接河南輝縣界平田村一百二十里到輝縣治二百一十里
西北至三道河十里至石井十五里至川子村二十五里至牛皮
掌三十里至池下鎮三十五里接長治縣界觀火嶺四十里到
長治縣治一百二十里

西南至劉家脚五里至四樞舖十里至石子嶺十五里至嘉爐舖
二十里至營裏二十五里至罐泉三十里至小回嶺三十五里
至附城鎮四十里至后子山四十五里至梧桐舖五十里至西
王舖六十里至焦家會六十五里至峯頭舖七十里接晉城縣

界到晉城縣治一百二十里

東北至楊寨村十里至北趙村二十里接壺關縣界神郊村四十里到壺關縣治一百五十里

立界

縣東南礮底百二十里乾河接輝縣界有界牌

縣正南一百十里瘦驢嶺接修武縣界有界牌

縣西南七十里峯頭舖接晉城縣界有界牌

縣西四十里禮義鎮接高平縣界有界牌

縣西北四十里觀火嶺接長治縣界有界牌

縣北十五里平城鎮又五里馬鞍豁接壺關縣界有界牌

陝川縣志 卷一
縣東偏北九十七里、磧腦又三里有河至輝縣界以河中一石爲界

正東皆大山與輝縣接界由縣東六十里崇興鎮走馬武砦有下輝縣路

縣東北三十里蘇家灣至壺關縣邊界

山川

菊巘山邑東五里高二里許多產菊有捍水口一名漳門山上有龍王祠前有文峯塔邑令黃國璨種松千株今鬱葱成林

東海神山東十一里

箕子山東二十里高五里西南山麓石上有巨人足跡云箕子於

此納履

流泉山東四十里

馬武山東五十里周百里四山峭壁相傳漢馬武築砦屯兵人呼爲馬武京砦山陰積雪經暑不消

花瓶山東五十里

板山東五十里形方肖似接熊耳山

風門山東六十里山形如門連板山

孤圍山東七十里有東西兩圍平田水由中而出其源一出孤峰山深處一出花瓶寺崖半至孤圍山合而流於平田沿村水磨皆賴之

天柱山東八十里勢峭拔下爲輝縣薄壁鎮

錦屏山邑南二十里山多芍藥翠嶂如屏宋元豐間邑人都君錫棲此邑令呂由庚偕名流高子美谷漢臣入山訪之爲芍藥會爲八景之一

龍門山邑西一里兩山橫亘中缺似門舊爲八景之一今則形勢已非矣

鳳山邑西南四里上建龍神祠春秋有祀典祠下清泉湧出漫流西溪明張太僕瓚詩邑城西去鳳山西流水淙淙遶大隄鳳山俗名龍王頭

魯山西十五里雙峰蔚然

黃沙山邑北十里一名天一又名太乙爲邑之主山北接蒲水
聖宮山北二十里接壺關縣西南界有蒲水西南流入鳳台合丹
河

黃圍山邑東南五十里孤峯插天陟頂見黃河山半有洞

五谷山邑東北二里上多神祠

嵩山邑東北三十里金末郡人李俊民避兵於此

佛子山東北四十里乃太行絕頂東望黃河二百里外秀出一方
爲境內第一峯上有靈雲寺

熊耳山東北六十里兩峯峭立狀如熊耳水流其間月自峽中吐
出下有空翠亭俗呼爲支弓豁爲八景之一

棲鳳山邑西南四里其東有泉繞山麓百餘步而伏上有感應亭
靈泉山西南十里山有靈泉

馬鞍山西南四十里

赤石山邑西三十里土石俱赤故名揚筠松爲武氏相阡地於此

山之陽博士武少儀嘗嘯傲其間

鳳凰山西南七十里形似鳳接高都河至晉城縣五十里

古賢山西南七十里隋僧曇如居此

臥龍岡邑西北一里上有崇安寺

秦嶺邑西北三十里秦白起築以遮趙救兵絕芻糗之所

寶應山西北四十里接長治縣西火嶺界秦嶺之北峯也時有雲

棲其上一名臥雲山巖半有寺甘泉古洞幽闐遼迴相傳昔一僧創寺屋材悉取自洞中寺成僧退入洞擁大石自閉焉此山高與佛子山東西相望城邑有拱抱之勢稱爲八景之一

狀元峯孫志云兩峯並立削如青萍星屬木因發武明甫叔姪三狀元趙安時伯仲狀元崔有孚十五發解二十五狀元及第金狀元李俊民郡人也值蒙古南下避兵邑之嵩山元世祖召之不拜使中貴人護送歸又令張仲一問以祥異皆驗卒謚莊靖先生故知縣楊建七狀元祠於東川武氏至今子孫未艾趙崔墳墓僅存而已

九仙臺邑西南六十里頂廣而下削上架屋爲祠中有三洞可循

陝川縣志卷一
級而登相傳此仙跡下有清涼泉繞其趾爲八景之一

黃圍洞邑東南五十里黃圍山中洞中有山有谷有風門雲門神井靈湫有浮圖石乳滴成者昔人秉炬深入四五里遇橫河一朽木不敢越而出洞口一峯中空如門相傳達紫團翠微洞爲八景之最俗呼黃梅洞

王莽台邑東六十里

八瀆嶺邑東南三十里迤東由黃圍洞經重興鎮走馬武寨東梅洞邑東六十里

祖師頂邑東七十里邑人朝山者飯洪水由黃梅洞折而上

老槐樹嶺邑南四十里又南二十里至奪火店又十里至軍寨有

燉臺營房

東腦山邑東北一百里

白脚山邑東北一百五里

東山邑東南八十五里

西山邑東南九十里

東西兩山上下中七里，迺三里，磧由邑東南黃圍山右邊而下去城六十里，有七里，迺至磧腦，凡七里有三里，磧至磧底，凡三里，下接輝縣界三十里，迺延緣懸崖邊徑也，磧有七十二折，兩山夾磧，直下蹇足，往復廻曲而達者。

桂桃山邑東南一百里

牛壁山邑南一百里至修武縣界牌一百十里

瘦驢嶺邑南一百十里接修武界

觀火嶺邑西北四十里接長治縣界

王莽嶺邑東一百二十里接輝縣界

黃華山在陵川壺關間明宋濂題王黃華詩後有黃華山主王庭

筠金史庭筠河東人

石人山在圪老郊村南有石峙立如人形

抱犢山在邑東四面絕壁土人抱犢上山養以耕田以大牛不能

上也離馬武寨東門數里

怪窞山在邑東南五十里其山聳拔雲端山麓有三孔水從中出

忽隱忽現不因旱潦故名

虎頭山在洪水南土人相傳下有八寶洞

方山四面如削成在馬武寨南數里任家台北

孤峯山在邑東南七十里山形峯嶺嘗有紫霧騰於峯頂而滂沱
洊至

綉針有二名曰東綉針西綉針在北召村瓦窰口之東北山即樂
家坡坂中有二仙古廟西有蘇家灣皆屬陵川離縣三十里

盟門山尸子曰龍門未辟呂梁未鑿河上盟門之上大溢逆流無
有邱陵高阜滅之名曰洪水穆天子傳北升盟門九阿之澄其
上多蒼玉多金其下多黃粟涅土

六泉山東北四十里上有六泉自山半洞中出山接熊耳

佛頭山離邑一百里高嶺崇巒勢若列屏山頂正中恰如人首在
鯉池寺之北

斜眉山儼若人眉在鸚鵡水掌之上鯉池寺之西離縣一百里
昭君山谷呼爲皂君山由東磧腦而南盤旋而上高約十五里西
岩絕壁冲天險不可狀山中有一洞名曰黑風洞遇天旱里人
祈禱必應離邑一百里

東腦山離邑一百三十里在邑之東離東磧腦二十餘里去東十
里則屬輝縣界

蓮花山形似蓮花在孫公峪之東北離邑一百十里至三媽磧由

三媽磯而至小梯屬輝縣界離縣一百二十里

蒼窖山前任孫公改爲孫公峪離縣七十里

五靈脂剋絕壁冲天半壁中嘗有五靈脂生於其處離縣八十里
京山在嶺東之南離縣六十里

熊耳山之東偏北有銅谷磯趙家嶺以至黃崖底係壺關界離縣
六十里

謀棋山邑東四十里峯崇嶺峻大石宮小石黑白分明如圍子相
傳爲神仙謀棋處因此得名

小孤山邑東二十五里其山比羣山皆卑有草無木圓淨秀麗光
澤可愛四圍田繞嚴冬尙有春色

南山巖嶺邑東四十里謀棋山北山巔有山巖古廟

北山巖嶺邑東偏北四十里與熊山東西對峙

牛金山舊名嵩山在邑西三十里禮義鎮西俗傳山有金牛故名
其山出鐵礦煤炭

青峯圍山邑東百里接輝縣界山巔有祖師廟萬山中屹然獨立
形如寶甌俗亦云寶甌山建廟時羊馱磚而上古人建梯以行
故有東梯西梯名頭天門二天之號週圍視之此山獨卑及登
此山衆山皆小俯視中州一望無際

寨國凸邑西南界山也最高山頂有石寨約數十畝因禦寇築北
望高邑百里盡在目中形如油箕口俗呼油箕山云

含珠岩在邑東接河南輝縣界

蝦蟆池在邑南義門村錦屏山下上有大石盤數層遇大河下則水擊石而有聲其聲鞞鞞如石鐘然此即舊志之所謂濯浪石也是河發源於縣治東北堯庄村俗名呼爲東大河漸流而下自大會石掌九光曲流而轉於南從白山掌過路城次義門水勢至此更遠且大順流從洪河頭郊底村折入圪塔裡并桑家平山平人於栢崖杖河以及東西堯泉穿九仙台而向西南則入於晉城縣夾山溝矣

青涼泉在古賢寺東里許其水自蒼龍山麓從地中湧出曲流而下繞古賢而去

雁翅泉形如雁翅中有水泉鬻沸而去在分水嶺之前鯉池寺之東離縣一百一十里

圪老水在嶺東之正東至王莽台三十餘里過滴水寨屬輝縣界離邑一百二十里

紫團洞離縣六十里其水自浙水而北至紅底寺南北口屬壺關界

平田水邑東南六十里源出孤峯山下流注河南輝縣入衛河地多松柏居人作香磨資生

浙水在邑東北四十里東流逕壺關縣界又東南入縣境又東入河南林縣注於滏陽

蒲水邑西北二十里發源聖宮山西流南下入長平丹河東接壺關馬鞍豁界

瀑布泉邑東北一百里懸崖輕濺漾如飛烟驟視之不知其爲水也爲八景之一一名鯉池旁有含珠岩鯉池寺

西溪邑西南五里發源鳳山其地陽煦得春最蚤花柳鮮妍春游人多集此爲八景之一上有二仙祠又有響泉宋張文潛有記說見趙安時二仙碑

六泉邑東北六十里泉自山半洞中流出

雙泉邑西南四十里二泉相去不數步一甘一苦

一斗水邑東九十里巖上鍾斗許水澗之不竭亦不溢

甘泉邑西北四十里寶應山左味甘

義井邑西二十里水味獨甘

雙頭泉邑正南一百里在瘦驢嶺旁

仙澤洞邑四十里謀棋山北山巔一洞洞中有康熙間碑記洞口

有水如大旱禱雨輒應

銀沙洞邑東南七十里磨河間深不可測俗傳洞出銀沙咸豐時有豫人鑿取數月而去

對水邑二十里小孤山東畔兩水對出一出南山之側一出北山之麓皆有小井深不一仞寬不三尺兩水一清一濁常供一村之汲而有餘旱即數村來取亦無不足

金羅洞邑東五十里古郊村主山名天馬由山而北絕壁上有金羅洞寬約數十丈入其中足履處隱然有聲若大步踏之其聲大放與鑼鳴無異下有大水甘泉水源即出於此

形勝

全居山內土瘠地狹

唐杜牧之書

在太行之巔天壤間清涼境也

元遺山集

萬峯環列通氣最遲

通志

突中一窩

元機會元

表裡山河土風敦質歷五季屢基王業雄視天下

郝伯常陵川集

俯視中州九千四百八十仞

文太清述遺山語

佛山之高黃河可隄五度之險一夫可守民安其中四塞為固鮮

罹兵革之擾 舊志

關隘附

正東由縣五十里至崇興鎮土名窟郊地要又十里至嶺東村又十

里至閣老水東南有天柱山又十里至牛盤溝又十里至王莽

嶺地要又十里至斷金橋又十五里至西嶺前有王莽台地要共一

百一十五里又東五里至石門口與河南輝縣松樹坪蘇家井

棗生村等處交界皆山僻小徑

王莽台台下五里許兩山如門舊名西峯門同治年間邑令楊光

海旁築一台台下為舖創修碣門匾曰晉汴咽喉

東稍偏南由縣五十里至馬武京砦即馬武山又名馬武寨地要周

圍百里四壁峭立漢馬武砦築屯兵於此東接河南輝縣石門

店金輿定四年上黨公張開駐兵馬武山

由馬武山二十里至水凹村又十里至桃園村又十里至賈虎溝

地要又十里至黃榆樹又十里至天柱坡隘要共一百十里與河南

輝縣馬頭口石家店等處接界皆山僻小徑

抱犢寨即抱犢山在馬武寨東三十餘里金史武仙鎮抱犢寨即此

高公台即高公寨俗名公公寨在抱犢寨東北二十餘里

賈虎溝口在縣東南兩山逶迤中間一谷又二十里接輝縣高平

嶺即天柱坡離縣一百餘里在官山四十里中

東南由縣五十里至洪水村又十里至仙人橋又十里至礮底隘要

又十里至僧官樓又十里至東溝口又十里至地八洞灣又十

里至孤石又十里至乾河地要共一百二十里與河南輝縣平田

村交界皆山徑小道唐史劉稹叛王宰進攻澤州與劉公直戰不利公直乘勝復天井關宰奮擊大破之

逸園陵川攻石會關詣乾河立寨即此

案通鑑及唐書破陵川者王宰之兵破石會關者河東之兵

也『唐河東鎮在太原』王宰之兵自南而北河東之兵自

北而南其共同夾攻之目標則潞州也故自來史家皆謂石

會關在今榆社與昂車關相近昂車關在今武鄉遼沁之間

則太原攻潞州之道也若王宰能破石會則已越潞而過若

河東兵與宰兵連接則潞梗其中又不可能昭德沁水賈

平田口在平田村西北里許離縣一百二十里達輝縣薄壁鎮寶

泉隘口碉門一所巡邏卡房二間

正南由縣七十里至奪火鎮即永和隘古名石會關最要隘明初設巡檢司後裁調寧山衛兵守之

後復罷崇正三年河曲老洞狗由汾州平陽蔓延至邑之奪火鎮以為巢穴冀寧道王肇生平之又五里至軍

寨要地有墩台又十五里至望洛村共九十里又南至望仙樓山口

與河南修武縣嶺後村交界皆山僻小徑

正南由縣七十里至奪火鎮又十里至城兒溝即五度關要隘有占關遺

址一統志云五度之嶮一夫可守明初以寧山衛官兵守之後罷又十里至十八盤又十里至

雙頭泉又十里至瘦驢嶺共一百一十里與河南修武縣小洪

河交界皆山僻小徑

明史正德初大盜張茂作亂楊虎入山西楊謹入太行山李華聚衆至千人與楊虎

合大掠壺關復自陵川十八盤山口出破武安縣臨洺鎮等處即此

南稍偏東由縣七十里至奪火鎮又十里至琵琶河又二十里至

碑子碣

要隘

又十里至牛壁山共一百十里與河南修武縣交界

南偏東由縣七十里至奪火鎮又三十五里至風豁口

要隘

共一百

五里又南五里與河南修武縣一陡水接界皆山僻小徑

按唐討劉稹以王宰破天井關後不遂取澤州而以其子晏

實守磁州為顧望計下詔切責宰懼急圍陵川破石會關進

攻澤州後劉稹將郭誼殺稹以降省志謂石會即永和隘也

南偏西由縣六十里至碓白掌

要地

又十里至碾棒水又二十里至

寺南嶺又十里俱大山無村庄共一百里接河南修武縣界皆

山僻小徑

南稍偏西由縣五十里至漲河村又十里至古賢寺又十里至古

賢山

要隘

又二十里俱大山無村庄共九十里偏東接河南修武

縣界偏西接晉城縣界皆山僻小徑

又南稍偏西由縣五十里至蓋城十里至九仙臺石台突起高數

十丈上廣下狹攀援而上

要地

賊沈烈郭

順治六年七月

安

又三十

里

俱大山無村庄共九十里西接晉城縣界南通河南修武縣

皆山僻小徑

皆山僻小徑

西偏南由縣十里至四堰舖又十里至嘉爐舖又十里至灌泉舖

又十里至附城鎮又十里至梧桐舖又十里至西王舖又十里至峯頭舖共七十里接晉城縣界有界碑皆大道

西稍偏南由縣四十里至附城鎮又三十里至南北黑山底要隘共七十里接晉城縣界皆山僻小徑

正西由縣三十五里至禮義鎮又五里共四十里接高平縣界有界碑皆大道

西北由縣三十里至池下鎮又十里至觀火嶺要地共四十里接潞安府長治縣西火鎮界有界碑皆大道 觀火嶺偏西南有秦嶺相傳爲秦時築塞地長平之役秦人遮絕趙救及芻餉而築也在縣西北三十里北十里接寶應山連長治縣西火鎮

正北由縣二十里至爐河村馬鞍壑地要接潞安府壺關縣交界皆

大道

北稍偏東由縣三十里至北趙村地要此地無隘可守惟恃壺關縣

窟窿山為險阻又東北五里至上河接潞安府壺關縣神郊村

交界皆大道由神郊村東北經窟窿山最要隘路通河南林縣

東北由縣二十五里至冶頭又二十五里至浙水村又四十里至

黃崖底要隘共九十里偏東接河南輝縣界偏北接潞安府壺關

縣交界皆山僻小徑

東偏北由縣五十里至井則河又十里至要地裡又十里至窄港

口要地又十里至烏靈脂廸又十里至鯉池寺又十里至東礮腦

最要隘

共一百里下至礮底接河南輝縣徐家磨村交界皆山徑

小道同治間邑令楊光海增立碉門一所巡邏卡房二間

由礮腦盤旋至礮底五里許接輝縣以河爲界

陵川縣志卷二

賦役略

賦稅爲人民之汗血生之有道輸之較易陵川土瘠民貧出產尤少然對於國課之繳納向無拖欠之習是亦民風之近古而可嘉者矣夫民爲邦本周禮獻民數於王王拜受而登於天府至於民國則以人民爲主體而一切法令均須得民之同意然後頒布則生齒之增減調查誠不容忽也自光緒大禩戶口頓減然五十餘年以來繁衍已爲不鮮惟豫省僑民城鄉密布此亦天然調節之趨勢也志賦役略

田賦

明原額民田四千三百二十六頃零清初蠲免無主荒地七百三十七頃實在熟地三千五百八十九頃零後節年報墾及查出田五百七頃零實在熟地四千九十六頃八十二畝四分六厘自光緒大祲後節年呈報新墾民荒地四百六十三頃七畝三厘停徵糧銀三千六百七十二兩九錢七分九厘自光緒九年至宣統三年陸續報墾民荒地四百九頃三十六畝四分五厘啟征地丁糧銀三千一百三十一兩五錢二厘又至民國三年至十八年報墾民荒地六頃九十四畝六分七厘啟征地丁糧銀五十兩四錢七厘又十八年縣屬東南鄉大礮等鄉呈報水冲砂壓民田三頃一畝六分停征地丁糧銀二十三兩一錢六

分七厘截至民國二十一年尚有未墾民荒地四十九頃七十七畝五分一厘停征地丁糧銀五百一十四兩三錢一分實在熟田四千四十七頃四畝九分五厘

光緒八年額征地丁共銀二萬八千四百三十八兩九錢一分內包

匠價八十
八兩二錢

額征商稅銀二十二兩四錢二分

額征耗羨三千六百八十五兩五錢九分一厘

匠價於乾隆三年歸入地丁

商稅於民八豁免

耗羨於民三歸入二元數內

截至民國二十一年

額征地丁糧銀二萬八千四百三十八兩九錢一分除未啓征
荒糧五百一十四兩三錢一分外實征地丁銀二萬七千九百
二十四兩六錢內除匠價銀八十八兩二錢不征附加款外實
征純粹地丁糧銀二萬七千八百三十六兩四錢按民國三年
奉令每糧銀一兩按二元征收共征洋五萬五千六百七十二
元八角連匠價一百七十六元四角共征洋五萬五千八百四
十九元二角

田賦附加款

一角附加畝捐洋二千七百八十三元六角四分

一角附加提解留縣畝捐洋二千七百八十三元六角四分
二角附加省款洋五千五百六十七元二角八分
一角附加征收費洋二千七百八十三元六角四分
以上附加共洋一萬三千九百一十八元二角

稅捐

舊志總數銀五百零五兩七錢六分八厘

截至民國二十一年各項額征如下

一田房契稅無定額民國二十一年全年征解 正稅洋一萬
一千九百零九元零二分四厘

附加洋六千五百四十九元二角六分八厘共一萬八千四

百五十八元二角九分二厘

一額征當帖稅洋二百元當舖四座每家繳洋五十元

以上係縣政府征解

稅款

一印花稅洋三千六百元

一營業稅洋三千元

一菸酒稅洋九千三百一十一元

一菸酒三成附加洋二千七百九十三元三角

一畜稅洋五千三百元

一畜稅附加洋二千六百五十元

一屠宰稅洋九百六十四元二角八分六厘

一屠宰附加洋三百八十五元七角一分四厘

一鐵稅洋二千二百四十元

一木料稅洋七百八十七元六角

一皮毛稅洋二百六十元

一煤稅洋四千六百七十元

一斗捐洋八千四百元

一斗牙洋一千二百元

上則
帖一張

一畜牙洋二千六百五十元

上則
帖一張

一絲牙洋八十元

上則
帖一張

一鐵牙洋八十元 上則帖一張

一花布牙洋九十元 下則帖三張

一麻牙洋六十元 下則帖二張

一屠牙洋三十元 下則帖一張

一木牙洋三十元 下則帖一張

以上各款係由聯合征收局征解

以上各項稅捐牙帖共六萬七千零四十元零一角九分二厘自民國以來稅務事項或設局或包收屢有變更軍費浩繁均係有增無減當道者固不得已之苦衷也

縣地方款

生息

當行望洛書院生息本四千六百五十二元五角三分二

厘息四百六十五元二角五分四厘

酒行望洛書院生息本四千元息四百八十元

當行高等小學校生息本二百九十三元一角四分五厘
息二十九元三角一分四厘

當行書院外獎生息本錢六百串息錢六十串合洋十
二元五角

當行明道書院生息本三百一十七元二角五分九厘息
洋五十元七角六分一厘

當行四班公費本錢二百三十七千五百文息洋五元一角六分三厘

當行普育二堂生息本洋六百六十四元九角五分息洋六十六元四角九分五厘

鹽店學款生息本銀二千四百兩息洋四百二十二元一角六分

保管公司畝捐股息本銀二千零三十五兩 二十一年未收息

公信堂營業社股本洋五千元

雜捐

當行津貼洋一百二十五元

畜行津貼洋三百一十二元

肉行津貼洋九十四元

皮行津貼洋六十二元

絲行津貼洋二百二十五元

麻行津貼洋九十四元

斗行津貼洋二千八百元

鐵行津貼洋一百元

當行舖捐洋一百二十五元

商會舖捐洋三百一十三元

騾戶補助捐洋六百二十元

騾戶警捐洋四千五百元

羊捐二千元

繭捐九百五十元

黨參捐一千五百元

庚帖捐一千零三十五元

戲捐一千五百元

納糧房規捐二十五元八角四分

繕造糧冊書手捐十五元零九分八厘

鐵爐捐七百元

留縣二厘斗捐二千六百元

串票捐一百五十元

雜收

錢糧商稅洋四十四元八角四分

錢糧商稅匠價洋六十六元二角八分二厘

農務局收益洋十八元四角二分六厘

義學田一百六十八畝零每年收租五十三石九斗七升
每斗約二千合一百零七千九百四十文按_三扣洋二十
二元四角八分七厘民國二十二年撥歸建設局縣苗圃
地十二畝

順治十三年黃令國璫置義田百畝餘以贍學邑人徐昆
又捐助義田六十二畝零相沿日久荒廢不舉者八十餘
載乾隆四年邑令雷正復清出共一百六十八畝零共收
租五十三石九斗七合

附地畝號段

碑記被人磨
去附此存查

湯莊義學田一頃五畝二分零按上中地輸租坐落土名
東掌則地五畝八分 小河則地二畝五分 后圪套地
七畝二分四厘 東坪裡地六畝一分六厘 埭底地四
畝五分五厘 墓池地一十四畝八分五厘 三角則地
九畝一分 屋后底地一畝六分五厘 東頭地三畝九

分四厘 小場則地六畝五分 后掌則地二十八畝六分八厘 彥尙地九畝二分四厘 平裏地五畝整 青山底義學田六十二畝九分按上中下地輸租坐落土名西河則地四畝二分 尖圪嘴地四畝五分 小圪套地一畝五分 東脚則又名六畝裡地六畝整 向陽裡地九畝三分 又山坡地五畝整 葦池河地一畝八分 長棧裡地二畝整 麻地棧地三畝五分 墻圪洞地二畝七分 石圪戀地五畝整 道則棧地二畝三分 西嶺后地七畝整 又坡則脚地三畝三分 東掌則地四畝八分

總共田地一頃六十八畝一分零民國二十二年一月
撥歸建設局地十二畝爲苗圃地

附加

菸酒附加款洋九百二十四元

煤釐附加款洋一千二百元

畜稅附加款洋三百一十二元

田房契稅附加學款洋七百五十元

錢糧附加區款洋二千七百八十二元

錢糧附加武裝警察款洋八千三百四十二元一角四分

七厘

以上各項共收洋三萬五千八百三十九元七角一分七厘

按吾陵解上正雜各款及縣地方各項收欸統計共洋一十七萬二千六百四十七元三角零九厘而縣地方欸尙不敷甚鉅輸出貨物及在外各界任事或經商者幾處於最少地位鄉村生活困苦不堪竟有終年淡食者前縣長李培元謂吾陵居民食物麤惡面色枯瘦者極居多數豐收之年尙復如此一遇歉歲又將如何瞻言前途曷勝隱憂嗟我同胞誠可哀已

鹽務

陵川鹽法當康熙年間即已商民交困迄未籌得良法至咸豐初年流弊尤甚緝私之法愈嚴竊販之案愈多古之治民善者因之次利導之武健嚴酷非正本清源之道也自乾隆初年以來承辦鹽務者賠累極多破家者亦不少謂爲立法不善而當時奏批紛紜似極注意也而私販充斥慙不畏死者抑何多也自光緒八年改爲官運官銷而弊漸少矣自民元改爲民運民銷而弊尤少矣非前拙後巧先難後易也利之所在人爭趨之物價低昂關乎氣運長民者亦祇能盡力於興利除弊耳至於能否貫徹目的固難逆睹也

鹽政利弊關乎晉省者如均引減引派銷佔窩開池挑河加價

增商諸條清釐興革至詳且密然尙有未盡者今就所見言之
畦地晒鹽每歲水旱不齊出鹽多寡不一當其旺產坐商每每
存囤居奇一遇歉收增價倍售故歉歲塲鹽固貴旺產之年亦
復不賤一也他處率多水運晉省必由陸運山路崎嶇騾頭車
輛脚費數倍而價增則病民價減則病商二也東北緊隣直豫
蘆鹽甘鮮運鹽味苦且價昂於蘆鹽奸梟私販趨利如鶩官法
繩之不能盡絕三也運商舉報富戶每不親身經理多委之店
夥不肖之徒任意花銷東本侵蝕肥囊本商無從稽查坐視虧
折不至消乏不止四也陵邑接壤輝縣獲嘉修武不過百有餘
里參入甚易而距運城七百餘里遠近懸殊因之價值貴賤迥

異私販利厚以故二十年來七八易商至羣視爲畏途必也嚴稽察禁坐商之囤積廣巡緝絕私梟之入境究根源懲豫店之掛販勤清筭防奸夥之浮銷庶運商不至賠累而小民無食貴之虞矣

以上程志

三晉鹽法利弊程志論之甚詳咸豐初年東南數省兵荒擾亂鹽政廢弛皆賴河東鹽引通融遠販是以較前加倍暢銷商人頗獲厚利費用彌滋闊大及外省軍需平靜鹽路仍遵舊例不准越境私營以致本省鹽引逐年難清封課固不可遲經費艱難即滯滯銷日久賠累日深兼之前歲連遭大祲戶口災傷者十去五六食者益寡售者愈難運商更覺力不能支紛紛求退

各縣皆然非僅陵商已也近已奉文裁簡公費并爲力緝外來私梟庶幾時和年豐食口饒裕商累輕國課完民食足以漸復從前年清年額之盛歟

以上李志

里甲

編戶舊九十六里明萬歷許志併八十里又併七十二里後又併入四十三里今照程志仍編三十二里在城三坊五廂

永泰坊 中和坊 中順坊 東關廂 南關廂 北關廂

西關南廂 西關北廂

在鄉二十四里

秦趙里

秦村里 草坡里 併

張村里 東北

西池里

蓼池里 北趙西里 併

北趙東里 東北

井泉里 義井里 魯山里 併 義泉里 正西里 更新里 尉子東里 併 冶西里

南萬里 罐泉里 兩里 併 西南村 善喬里 張仰里 併 積善里

南馬里 南馬里 東里 併 南馬里 西里 西社里 西王里 併 徐社里

雙庄里 秦庄里 併 附城里 寺谷里 寺谷里 併 寺谷里

八渠里 八渠里 東里 併 八渠里 西里 嵩陽里 南趙里 併 安陽里

平城里 三教里 西里 併 東里 正北里 得水里 南莊里 併 得義里

秦潤里 四閏里 秦里 併 莊里 北里 東義里 西四里 併 北四里

平望里 西唐里 里 併 遠望里 正西里 梁庄里 田庄里 併 梁庄里

禮義里 禮義里 南里 併 禮義里 正西里 楊池里 楊村里 併 池下里

協平里 義和里 里 併 東關里 郊義里 蓋城里 併 路正南里

義賢里

義門北里南四
里吉賢里併正南

萬義里

舉義南里舉
里萬張里併正南

戶口

第一區戶口統計表

村名	戶數	口		備考
		男	女	
城關廂	九七三	二六二〇	二四七六	
小召鄉	三一三	八二三	六七九	
西溪鄉	三四一	九九四	七九九	
北四壩	三〇六	九四六	七三七	
羅古掌	二三五	六七九	四四九	

路城鎮

二〇六

七六三

六三六

郊底鄉

四一七

一一一三

七八九

神山頭

三三六

一〇九七

八〇二

大會鄉

五五一

一四九七

一二七五

石掌鄉

一四六

四七八

三五六

上郊鄉

一九六

五九七

四七七

東井郊

二八二

八三五

五八七

後郊鄉

四三三

一二九五

九九三

橫水鄉

二九四

八九六

六八五

大礮鄉

一一五

二九六

二四九

武家灣

一六五

五四八

四七〇

馬武寨

二二八

五〇八

三九四

槐樹嶺

二〇〇

五八七

四五二

鳳凰鄉

三六八

九五八

八二三

奪火鄉

二三七

五七五

四九六

寺南嶺

四〇七

一一五二

七三五

勤泉鄉

一八九

五四九

四五八

琵琶河

二四一

六二四

四三六

總計

七一六九

二〇四三〇

一六二六二

第二區戶口統計表

村名 戶數

口

男

女

數

備

考

附城鎮 一二二七

五六三

四七二

平川鄉 三三三九

八八七

七〇八

禮義鎮 四九二

一八一三

一五三三

桃山頭 三二九

九八七

七四五

池下鄉 一七八

五四七

四二四

秦家河 三六八

一二三七

一〇五六

楊村鄉 三〇八

八〇四

六七一

太和鄉 一八〇

五五一

四七〇

平居鄉 二五三

六六七

五三一

大義井 二二三 四〇四 三一四

椅掌鄉 二七九 八八七 六八七

東傘鄉 一四七 四五七 三七〇

嶺細鄉 三六八 九七五 八九九

尉寨鄉 三三四 九四二 七一一

東王庄 三九二 九三七 八〇八

南村鄉 一七三 四八五 三六五

玉泉鄉 二五六 七三七 五七七

西河底 四六六 一四七〇 一一五四

後山鄉 二七八 六四三 四七七

賦役略 十四

南馬鄉	四〇〇	一〇五六	八六九
下徐社	三八八	一二五六	九一〇
汶河鄉	二六七	八三三	七〇三
城東鄉	五二六	一四二八	一〇九八
雙泉鄉	四五一	一二五九	一〇五〇
河東鄉	二七一	七六九	六〇〇
積善鄉	四九四	一二八〇	一一一〇
張仰鄉	四六一	一一七二	九七〇
梧桐舖	四七八	一〇八三	八五六
上徐社	三五七	八七六	七三〇

第三區戶口統計表

村名	戶數	口		備考
		男	女	
台北鄉	三四七	一〇六九	七八九	
東堯鄉	一七六	五三七	四二一	
總計	一〇二〇六	二八六一一	二三〇八四	
平城鎮	六九〇	一八一六	一五九五	
冶頭鎮	三七〇	九四〇	八二二	
楊寨鄉	三六六	九四二	七八六	
古郊鄉	六二〇	一六二〇	一三三九	
蒲水鄉	一八三	四九六	四一七	

王家庄 三六〇 一二九〇 一〇七六

冶南鄉 二四二 六二七 五四五

浙水鄉 三四二 一二三〇 七七六

庫頭鄉 二三五 六六六 五三五

張寸鄉 二二九 六四三 四五八

嶺東鄉 五二六 一四一〇 一二四九

侯家庄 三三二 八四四 七一九

牛皮掌 三四一 八九九 六九六

石井鄉 二四七 七九六 六六九

神後底 二六三 七四三 六一七

秦寨鄉	三三六	六八五	五九七
劉家庄	三九九	一〇二九	八六八
趙廸鄉	三一九	九二九	七五七
六泉鄉	四七二	一四七四	一一〇九
下河鄉	三四七	八九八	六三一
北召鄉	三六五	九一九	七七七
南召鄉	三六九	八八九	七四九
東八渠	三四五	一〇七三	八五六
上上河	四三二	一二一八	一〇一八
草坡鄉	二三七	八一五	七一六

卷之二 倉儲略
 十六

赤葉河	三七六	一二九六	一〇九三
-----	-----	------	------

總計	九三一三	二六一八七	二二四六〇
----	------	-------	-------

以上三區共聯合村八十共戶二萬六千六百八十八男女共十三萬六千零三十四口

倉儲略

經言國無三年之蓄曰國非其國積穀之政乃長民者備荒之要政所當急為注意者也民以食為天保民之道無重於此者志倉儲

籍田地四畝九分坐落東關外教場地設老農四名鄉保通縣公行舉報四年一更換承種籍田每年收穫四石至四石七八斗不

等視歲豐歉無定數收貯神倉開除各壇廟糶盛穀一石四斗五升餘穀五年遵照時估價值糶售一次易銀存貯縣庫扣留爲先農壇祭祀之用每年開銷牲醴銀三兩五分今爲建設局苗圃地

常平倉

知事經理

定額穀一萬三千石每歲春末照現存穀數存七借三接濟民食秋後收成八分以上加一息穀還倉七分以下免加息穀

查息穀自乾隆三十三年盡數糶去價銀解交藩庫外乾隆三十四年起至乾隆四十二年底止實存息穀三千七十二石三斗八升七合七勺二共存倉本息穀一萬六千七十二石三斗八升七

合七勺於乾隆四十三年四月詳耀歷年息穀三千石價銀解交
藩庫實存倉穀一萬三千七十二石三斗八升七合七
每年額定孤貧四名准於常平倉支銷穀二十三石六斗每月扣
除小盡遇閏月加增穀二石

光緒七年存穀九千零五十九石九斗三升六合一勺

截至民國二十一年六月底結存穀八千一百六十五石三斗呈
報省府內每年發貧民十名口糧六十石

倉本生息發當年利一分截至二十一年六月底結存本息共洋
一千零二十二元二角七分八厘四毫

此本係知事
劉鳳銘賠項

社義倉

社義兩倉舊儲額穀二千二百五十一石七斗五升五合六勺存四鄉社中至嘉慶十一年間連遭荒歉領食貧民率皆逃亡無從追還久經廢弛自道光二十六年邑令劉承寬出示勸捐經該紳士劉儒鳳楊咸和寧如瀚李燦華曹鴻逵等陸續共勸捐錢四千五百千文發典按月生息每年所出息錢糴穀存倉賑荒濟貧免其征還所有存本永不動用

舊社義倉條規附

- 一 捐錢繳案發典生息因陵川各項發典俱係銀兩公議以錢易銀二千二百兩作爲本銀永遠存當不許支用
- 一 發商後每月一分生息不得增減自道光二十六年八月初一

日爲始計足一年令各典繳息閏月不計

一立總司紳士蒙派劉儒鳳李燦華寧如瀚楊咸和曹鴻達如有遊宦外出及年高不能經理者稟官另舉

一穀本銀二千餘兩不准動用每年應收息銀即令公正紳士投具領狀協同倉書赴典收取於一月內採買新穀存倉稟官驗收

一崇安寺舊有儲穀厥口儘一年內籌款修理所有息銀採買之穀即行封儲該住持每年給穀一石令其監守

一每遇荒歉或鄉村偏災地方公正紳士社首具呈並造具花名冊稟官批准統計存倉穀數若干戶口若干註明每名應領若

干令該花戶赴倉具領概勿徵還

一 每年取息買穀後先儘鰥寡孤獨廢疾酌散若干其餘儲倉以爲備荒之用

一 積穀五年俟糧價昂貴時按時價每斗減二十文出糶仍將原價封儲信實典舖於秋後買穀還倉

一 立合同印簿一樣十二本一存倉房一存當行餘存各社

一 所儲息穀每年約計可買穀二百數十餘石如按年散給惟恐不繼茲特議定如遇偏災糧價比往年加倍其被災七分以上村庄准其確查戶口分別極貧次貧造冊具報公同核議將所報戶口所儲穀數通盤核計定期散給極貧應分若干者次貧

陽川縣志 卷二
減半酌給

一全境荒歉應行賑濟所儲息穀不多難以散給若待報災批准賑濟尙需時日災民不免嗷嗷應將所儲息穀全數發出分給原儲社義倉十處分設粥廠以濟貧民再籌撫恤之法

一災民戶口先行該村鄉保具報由公正紳士社首親至村庄逐戶清查先儘貧窮鰥寡孤獨廢疾無依者按口登記造冊紙張及筆墨寫工不求精緻所費無幾俱由社內公備不得苛派貧民再查被災貧民田已成災又無手藝山場別業可靠者均列入極貧冊內其餘如或佃民或管業無多一經被災難於謀食列爲次貧另造一冊由總司紳士核查稟官批准再給發印票

至於無田佃種向係傭工趁食年力精壯之人本地被災自可
他往謀食存儲息穀有限應不准入冊如或男人他往其母妻
老弱住居災區別無生計應確查列入次貧冊內若係無賴乞
丐及游手好閒之人概不准列入

一 災民戶口既經查明則應給不應給及極貧次貧已一目了然
即應酌定應給口數該領米數填入印票編定字號按冊核對
酌定開倉日期曉諭各村以便親身到倉持票領取紳士及倉
書眼同發給如老疾婦女行步艱難准該村鄉地持票代領於
冊內註明鄉地代領字樣如以票易錢賣給糧店牙行或抵押
欠項或代領之人不交給貧民以及勒索冊費票費等弊者查

陝川縣志 卷一
出除稟官究治外一併從重議罰

民國以來本銀仍係二千二百兩按舊市平每銀七錢一分折洋一元共折本洋三千零九十八元六角年利一分應生息洋三百零九元八角六分如數糴穀存儲倉長仍係四人

陵川縣志卷三

兵防略

陵川雖爲山陬僻壤然實爲晉豫重要門戶觀十九年秋間大軍過境而南軍不復窮追便可知矣然恃險僻而不設備則貽害將無窮志兵防略

唐節鎮劉稹叛河陽節度王茂元遣將當天井關爲稹將薛茂卿所敗詔王宰以本兵入懷澤茂卿懼委天井關而去會昌三年王宰始進攻澤州與劉公直戰不利公直乘勝復天井關宰乃奮擊大破之遂圍陵川攻石會關詣乾河立寨昭義郭誼殺稹降潞州平

陝川縣志 卷三
金元光元年蒙古木華黎攻陵川破之

田氏嘉穀曰馬武砦金末七相相繼敗亡恒山聲言入援形涉擁衆自衛獨上黨公張開不首鼠謀去就闕府馬武砦根窟澤潞等七州之心終始北捍者十二年最名純臣

元順帝至正四年七月益都瀕海鹽徒郭大你赤作亂八月上太行山由陵川入壺關至廣平殺兵馬指揮復還益都

至正十七年六月劉福通犯汴梁其軍分三道破頭潘關先生等寇晉冀九月甲午陷陵川縣令張黼死之

明洪武元年八月大將軍徐達以鎮撫吳勉攝大都路府事檄韓政自東昌分兵守廣平陵川

河南按察使彭澤計討楊虎紀正德初年閩人劉瑾括天下財民窮盜起橫行河北文安縣大盜張茂同時劉六寵劉七宸楊虎朱千戶等皆附之楊虎一支獨入山西別賊楊謹道入太行山中有李華者逆瑾餘黨亡命山西聚衆至千人皆衣赤與楊虎合大掠壺關六年六月虎等復自陵川十八盤山口出破武安縣臨洺鎮等處復至文安密邇近郭京師戒嚴乃徵宣府延綏所部入剿

崇禎三年輝縣之北陵川之南有村曰水峪獬賊竊據者數十年殺奪淫擄大爲民患山西冀南兵備道王肇生初蒞任知之遂提兵會河南監軍副使祝萬齡合兵擊之六戰焚其巢賊遂

平已而流賊自山西入河北掠新鄉萬齡擊之賊走陵川大受殘虐已復大至新鄉

崇禎四年夏五月潞安徇民作亂於壺關高平陵川

崇禎五年流賊紫金梁老鞏等在河北修武縣爲官兵追剿遂踰太行自柳樹口進奪火鎮至南馬附城入擾陵川蔓延出長治壺關等處焚殺甚慘

崇禎五年九月賊勢嚮河北山西巡撫宋統殷冀南兵備道王肇生率軍次陵川扼賊北歸賊北走遇官軍賊死鬪互相勝負會夜與賊爭險對營兩山頭賊緣窮谷而上大譟官軍亂統殷肇生皆走與諸軍相失宣大總督張宗衡將兵至高平統殷肇

生以師畢會大破賊於桑子鎮賊復入沁水總督張宗衡聞之移駐平陽命提陽和兵從澤州尾賊至陵川勝之再敗賊潞安之西大斬首二千級連戰陽城之陽泉沁水之毛連溝鹿臺寺石塔杏峪並破之俘斬千人六年兵部以晉賊之急有三西在平陽東在澤潞西北在汾太沁遼議督臣張宗衡駐平陽任東西二賊所將白安虎大威四千人以平陽澤潞四十一州縣責之加以李卑兵一千賀人龍兵一千左良玉兵二千五百共八千人撫臣許鼎臣駐汾州任西北賊所將張應昌苟伏威二千人以汾太沁遼三十八州縣責之加史記事頗希牧一千人艾萬年兵一千五百寧武一千岢嵐代州北接利民馬站老營兵

二千共七千人宗衡提陽和兵從澤州潛師尾賊後至於陵川
敗之再擊賊于潞安之西火又大敗之斬首三千級

崇禎六年賊又從河內上太行曹文詔禦之陵川之九仙臺大
破之

嘉慶十八年大兵進勦白蓮教匪牛良臣等敗竄司砦擄殺甚
慘接壤居民風鶴夜驚邑令羅璿督紳守隘鞠躬盡瘁獲腹賊
譚名三當家者檻送正法境賴以安

咸豐二年粵匪分股渡河圍攻懷慶謀偵陵境邑令許亦崧防
隘甚嚴賊不敢入

咸豐十年豫匪李振標之亂人多望山而逃邑令存楷率紳斷

各隘路派丁壯協守以遏賊西竄之路

同治六年捻匪由清化而東逼近堡泉隘口邑令楊海光練勇防守盤獲賊黨張振青梟以示衆

光緒三年歲大祲河北教匪朱登鰲等嘯聚於修武北部饑民附之九月由姑姑泉進薄邑南赤土坡所至焚掠人畜被傷奪火鎮連夜告警糾集八莊村衆禦之不敵而潰賊乘勝追襲鎮民盡室狂奔號泣載路適邑令王煒募勇三百督典史史長貴赴援史身先鄉勇冒險前進賊聞邑請兵疑大軍至是夕退鎮乃招復逃民陸續增勇會澤州參營兵亦集於各林巒隘口多張旗幟賊不敢近復遣使約懷鎮崔總戎前後夾擊敗之賊遁

入青龍洞煒率長貴進防望洛搜其巢穴斬獲甚衆餘匪悉平
縣僻無驛傳原額設廠驛十四頭順治十四年裁

城守額設外委千總一名字識一名戰兵一名守兵七名南關
外舊有墩台一處後裁

縣南七十里奪火鎮汎地一處墩台三座營房三間設汎兵三
名防守每歲藩庫領歲修銀春秋二季共銀四兩九錢係縣領
轉發城守外委領修按澤州爲全晉東南門戶陵川又爲澤郡
屏障兩面隣豫在在可入金元明時諸寇多從陵川至晉城至
高平至壺關至長治之西火鎮雖有險可守而武備不可不講
也稽清初額設兵百名後裁存一十一名額設民壯四十名後

裁存二十二名不敷防守軍事介在呼吸倉猝調發無濟燃眉
且未設火藥炮位器具一無足恃後楊令光海曾於王莽嶺乾
河礮腦青溝等處設立碉卡一有緩急則地險是恃然防守無
人惟賴臨時招集村衆人自爲守耳計深慮遠者急宜籌畫庶
防禦嚴而藩籬永固矣

以上
舊志

中華民國五年八月二十一日豫匪擾邊甚亟警備隊官高懷東
不避賊衆奮勇直前死之部屬同遇難者三人從祀王公祠知
事蘇毓琦記其事

民國十四年十二月三十日黃槍會入城劫監戕殺委員劉繩
祐高平民軍及地方巡警將該匪擊退格殺七八十人

天門會

即紅槍會

其法念咒吞符試刀試槍詭言刃彈不過起於民國十四年春間屢屢擾邊又有黃槍神兵黑槍等會均屬邪術民國十九年九月四日大軍過境後省政府發過賑款洋六萬元又令發常平倉穀五百石社義倉穀四百七十石六斗七升過境人數約一萬三千餘人幾於無處可住

民國二十年三月二十一日丁匪入城時約七八百人劫官索款稱農民自衛軍向商號索去銀洋二萬五千四百元又搜括民戶洋二十餘萬元損失甚鉅省政府賑發紙洋二萬元係二十元扣現一元

民國二十年六月十三日高平潰兵竄至奪火鎮殺鄉長家人

六七口村民損失甚重

電信

軍用電信自縣城至晉城縣係民國五年設自縣城至奪火鄉係民國十四年設自縣城至嶺東鄉係民國十四年設於民國十八年接至東礮腦

地方電信自縣城至附城鎮係民國十五年設民國二十二年接至南鄉廟自縣城至平城鎮係民國十五年設自縣城至禮義鎮係民國二十年設自縣城至武家灣鄉係民國十九年設

民俗略

國於天地必有與立民情者社會國家之樞紐也民情敦則

禮義廉恥之心日進於強固而親上死長視爲樂事飛機炸彈可以喝各自爲心之民而不足以動熱心愛國之志士西哲適者生存與優勝劣敗論何莫非依據民情以爲斷乎管子曰水者萬物之本原也諸生之宗室也美惡賢不肖愚俊之所產也齊晉之水枯旱而運淤滯而雜故其民諂諛葆詐巧佞而好利陵川居太行絕頂不惟無甚河流即山水亦復絕少西人言水性使人通山性使人塞近查吾陵人民不惟在他邑作事者極稀即在太原求學者亦屬特別鮮少安土重遷或亦原於水之過少乎然天地靈淑不限方隅鼓勵奮發究在於己金元兩代旣如彼盛今日之衰殆亦由於振奮

之方有所未至也生存競爭日益緊迫惟望後起青年葆持其固有之美質而力求發揮矯正其偏絀之秉賦而時加策厲庶可免於淘汰之公例乎至婚喪祭祀歲時慣舉及餽贈往來亦一縣之相沿成風將來改良風俗者所當注意也作民俗略

婚禮 初訂婚時由媒妁通二姓好諧後則由男家送麪於女家女家即以所送之麪夾以小米用油煮作餅子送諸男家男家使人分送戚友鄉隣俗謂通知亦有不煮餅而代以他種食物者將過門時前數月男家送禮物聘金於女家謂之下采即古採意當清代時男家用龍鳳婚證書送諸女家民國以來則男

家以官定紅婚書送諸女家女家以官定綠婚書還諸男家謂之換書有親迎者有不親迎者親迎者率係士紳或殷實戶又延親友四人或二人乘四人肩輿或二人肩輿往送謂之送客次日親戚友人均來賀喜女家託親友婦人至男家賀喜謂之上飯婚之弊俗最壞者爲山村中間有弟收嫂兄收弟婦者此亟宜嚴禁者也

喪禮 始死停屍於牀加以圍孝子衰絰苴杖寢苦枕塊三日入棺謂之棺斂七日之祭謂之隔一七十四日之祭謂之隔二七二十一日之祭謂之隔三七葬埋之時延禮賓點主祭奠次日安葬葬後三日相率上墳脫麻經去素冠謂之服三喪之弊

爲家計稍裕一經葬親率以鋪張揚厲招致僧道化費較多至數年後尙復欠債累累者此亦應加改良者也

祭禮 戶大者率有祠堂小戶及貧寒者率將木主置之櫃中祭時始行取出除忌日外祭時甚少清明上墳祭掃最爲普通舊七月十五及十月初一亦有上墳者惟不普通至週年之祭則有一週三週十週三十週之舉

元旦男女夙興爆竹徹曉燔柴於庭禮神祀先畢各拜父母及家尊長其卑者亦以次交拜男子詣親屬處所行禮稱賀各以酒食款洽

立春先一日官僚迎春於東郊閭里老幼出集通衢觀春至期

祭芒神餼春餅生菜飲酒巫祝遶扈謂之鳴春

上元前二日自西溪迎二仙真人入城鼓吹導行各設香供於門晚駐太清觀行宮其頂香炷香者凡一二時婦人則以所簪花簪神鬢已復取簪之以邀神惠遠邇喧闐社火至二十日送二仙歸西溪謂之春祈

上元前一日備時饑祀先祖有迎自野外者謂之接祖先元夕各築爐火於門前暄暖如春謂之滾火懸燈嬉游寺觀堂字竟夕凡二夜

又設洪爐融生鐵成汁傾於木板上打之成花燦爛萬狀或在樹間掩映更奇總名之曰打鐵花澤郡多有陵川尤盛

正月二十日備時饌祀先祖有奠於閭外者謂之送祖先

社日由野祀社老稚擊鼓以牲酒相歡

春分日以牲醴祀先農祈穀

清明各家具時饌展墓封土掛紙錢

穀雨種穀麻豆

小滿種黍

端午日懸艾於門角黍相餽設蒲觴置雄黃飲之以驅惡兒女

繫續命絲

俗於榴月念七日爲城隍神會商賈輻輳邑人終歲所需及婚嫁器用咸於此時置備焉

六月一日至十三日大小村莊咸聚會上菊嶺山龍神祠虔祭

祈雨澤

七夕女子穿針乞巧

中元以麪爲牲列山花野果供祀事咸墓祭

中秋設香燈月餅瓜果祭月聚黨屬宴賞夜分乃止

秋分萬寶告成收穫後各村設油食鼓吹祀農神謂之秋報

九日登高設宴以茱萸泛酒飲之

十月一日備香楮時饌祀先

八日崇安寺佛誕集場頗盛多貨皮張然鮮貴重者餘惟農器
木具而已

十日以稷米爲蒸食祀福神

冬至各家具香楮供饌祀先祖

十二月五日以五豆粥相餽送

二十四日各家拂塵前夜祭竈

歲除前數日各以酒菓米肉相餉謂之饋歲

除夕換桃符貼宜春易門神從新讎以逐疫是夜熾炭燔柴謂

之守歲燒蒼朮驅瘟辟邪

民質樸好讀書力田樂趨於善

一統志

風土純厚人質直而好義

黃山谷詩話

質樸樂於趨善治喪不用浮屠

祝志

務本富耕鑿食力無他奇淫薰染

前志

君子守禮小人盡力婦女不街游入城不馳驟

邑志

學者廣壯高厚敦本務實重內輕外耕夫販婦亦恥謠誣而道

文理與齊魯共爲禮義之鄉

陵川集

民情優點誠如諸志及各集所述至其劣點亦有不容不爲
揭出以資矯正者程志所列五美八弊距今已百四五十
年習俗轉移至爲神速救弊補偏須據現狀爰就目前癥
結略加針砭情誼彌切責備愈重實非鄙薄鄉黨妄肆譏
評良葑苦口識者諒之

一宜策勵公義心

查我國各地方辦公士紳率多固執己見不肯舍己從人
往往有因一二人見解黨不同派互生遂致將地方緊要
事件停擱不能進行者吾陵恐亦在所不免苟能時加警
惕各蠲私見力顧公義地方受益定必弘多

一宜力戒忌克心

夙聞陽沁諸前輩謂陵川人素抱一種忌克心愚聞之不
覺汗顏不知何以致此不美之名有則改之無則加勉時
存警惕一雪此言

一辦公人急宜養成廉潔性

據故老傳聞謂陵川自咸豐元年以來聚衆風潮已達十

陝川縣志 卷三
次每聚時必有種種無理要求甚或將城關辦公士紳房屋燒毀者此皆士紳與鄉民彼此不能相信之病近數年來雖未發見此種事故惟士紳與鄉民仍是不能情誼交孚深望爲士紳者彼此以廉潔相砥礪爲鄉民者亦存一曲爲諒解之心則不致意見橫生再滋誤會矣

一宜養成忍耐性

查陵川人民廁身軍政各界者較諸他邑特別鮮少豈人情之安土重遷歟據晉高等縣人之批評謂陵川人之任事缺乏一種忍耐性略遭挫折即思請假旋里此皆忍耐力弱之病苟能於此二字時時注意則金鋼百鍊無堅不

擢在外作事人多則接引力強而風氣亦開矣

又按程志五美八弊今試逐條證之五美現已全失八弊革一而七仍如前或益甚昔重養老今則無養者多矣昔重憐幼今則鬻子之事多矣昔重儉樸今則漸奢侈矣昔重喪禮今則父母之喪亦多不講矣昔之殯葬不信堪輿今則多所拘忌矣此五美之變爲五弊也昔之戶口乞養地契幫貼今則依然至於婚禮昔以指腹割襟爲弊以視現在之自由離婚則指腹割襟較爲美矣齋醮之弊昔之所指爲邪教者今則各種邪教名目幾難縷指其弊遠過於昔矣虐屍之弊自道光年間縣城四隅建置小兒坑後

暴骨原野之屍則無矣而剖腹刳胎則依然不免鬼妻之
弊今亦依然是八弊之中祇有棄屍之弊尙屬剔除餘則
依然或更甚也八弊祇革其一合前五美之變爲五弊是
共成爲十二弊而美處則殊難指也風俗如此此誠極堪
浩嘆者也

生業略

吾人之生存必賴職業以養身家又必資職業以供獻於社
會通功易事羨補不足此互助主義之所以可貴也陵川人
民除業農外在外經商者甚少其在本邑經商者資本微薄
無甚發達者志生業略

木工多兼泥水有開設板店者有即在家爲人造些家具桌
橙者

西北鄉舊有造釘工業近因貨銷不暢業此工者亦不多
東鄉出黨參有以販參爲業者惟亦不多

本地出煤有業挖煤者產羊有造鋪毡者

西南鄉呂家河有造紙者因不及高平之質利銷數甚稀
製皮條業率係回教人惟亦不多

有業馱運貨物者赴豫者較多

有業造酒者均售於豫省

有業糶販糧食者率即係農人

有業代銷煤油者

有業售絲者均在西南鄉開設絲行

本地產麻有運麻在晉城各處開設繩麻舖者

有業售水旱菸者

西鄉婦人有業織線帶與錢搭者織布率係客民本地人則無之此亦女界之太缺點也

有業製油者惟本地不出芝麻祇有麻油菜子油而已

有業造磚瓦者以有煤炭故

有業銅匠者率係造鎖鑰獅臉等物

有業銀匠者製首飾等物均屬高平人

有業採茶採藥者係肩挑遠售

有業漆工者

有業鐵匠者製普通用品

有業造炊爨器及農具者

有業編筐篋及席者

有以製鞋爲業者率係小舖面資本微薄布質較多

有業脚行者

有業粗瓷窯者惟遠不及陽城

有業水磨及旱磨者因種麥不多水磨尤少

有業磨豆腐者

有業染色者率係染土布

有業造粉皮粉條及售澱粉者